

INUIT ATAQATIGIIT INATSISARTUNI



13/11-2023

Inatsisartut Suleriaasianni § 37, imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1. Nunatsinni meeqqat isiginnaarutinik angallattakkanik atuinerat Naalackersuisut malinnaaffigaat?**
- 2. Isiginnaarutinik angallattakkanik meeqqat atuinerat Naalackersuisut misissussamaarpaat?**

(Inatsisartunut Ilaasortaq Mariia Simonsen, Inuit Ataqatigiit)

Tungavilersuut:

Meeqqat 3-niit 6-nnut ukiullit isiginnaarutinik angallattakkanik assigiinngitsunik atuinerat Danmarkimi Børns Vilkår ip misissoqqammerpaa meeraaqqat 567-it isumasiorlugit. Paasisat naapertorlugit meeqqat taama mikitigisut ullut tamaasa minutsini 101-ini kisimiillutik isiginnaarutinik isiginnaartarput inersimasunit peqateqaratik. Meeqqat quliugaangata qulingiluat oqarasuaatit angallattakkat qarasaasiaaqqalluunniit tablettit angerlarsimaffiminni ulluinnarni atukulavaat, taakkunanngalu meeqqat quliugaangata arfineq-marluk kisimiillutik qarasaasiat ulluinnarsiutigisarpaat, saniatigullu spillertarlutik. Nunatsinni meeraaqqat - meeqqallu ataatsimut isigalugit - isiginnaaruteeqqanik atuinerat misisortariaqarsorinarpoq, angajoqqaallu siunnersorneqarnissaat pisariaqarsorinarluni. Meeqqat pissusiinik ilisimasallit paasisat pillugit ernumapput. Meeqqat mikisut imminnut paasiniartussaapput, taamaaliorinnaappullu aatsaat inoqatiminnut toqqaannartumik attaveqarlutik.